

Ntxuav Kom Huv thiab Tua Kab Mob

YUAV UA LI CAS TU TXHUA YAM UAS SIV LOS UA ZAUB MOV NOJ

Txoj Kev Ntxuav

1. Siv dej kub thiab xab npum los **ntxuav**. Cov tshuaj ntxuav thiab txhum kom tshem cov khib nyiab ntawm tej twj taig los sis npoo rooj.
2. Siv dej huv los **yaug**. Thiaj li tshem tau cov tshuaj ntxuav thiab npaj so cov npoo rooj ib zaug ntxiv los mus tua kab mob.
3. Siv tshuaj tua kab mob los sis dej kub los **tua kab mob**. Qhov kev tua kab mob no yuav pab tua cov kab mob los ntawm cov khoom noj thiab yuav ua rau cov cuab yeej huv. Tso kom nws qhuav nws xwb, tsis txhob siv ntaub los so.



Ntxuav Yaug Tua kab mob

Cov Khoom Siv Ntxuav

Tag nrho cov chaw ua zaub mov yuav tsum muaj:

- Ib lub dab dej ntxuav uas cais ua 3 qho

LOS SIS

- Ib lub tshuab ntxuav tais diav.

Siv cov tshuab ntxuav tais thiab ntxuav raws li qhia los ntawm tus neeg tsim qhov khoom ntawd .

Siv Cov Tshuaj Kom Tua Kab Mob

Txoj kev rau cov khoom siv uas ntxuav tag rau cov dej tov nrog tshuaj tua kab mob, yuav pab kom cov khoom siv thiab cov npoo rooj huv si. Yuav tsum ua raws li cov lus qhia ntawm cov thawv ntxuav tais diav. Siv cov tshuaj kom muaj zog thiab muab cov khoom siv rau rau hauv raws li qhia txhua zaus. Tom qab cov khoom ntawd qhuav tag lawm, mam li muab khaws cia.

Thaum yuav tshuaj tua kab mob, xyuas seb puas muaj cov no:

- Tus EPA zauv
- Cov lus qhia hais txog kev tua kab mob saum tej npoo rooj
- Cov lus qhia tias tsis tas yuav siv dej zoo ntxuav

Cov tshuaj tua kab mob uas siv tau muaj xws li:

- Cov tshuaj chlorine bleach (tshuaj dawb)
- Cov Quaternary Ammonium Compounds ("quats")
- Iodine
- Cov tshuaj tua kab mob uas tsim los ntawm ib qho chaw tau kev tso cai
- Lwm yam tshuaj tua kab mob uas tau pom zoo los ntawm FDA hauv qab 21 CFR178.1010 los sis EPA hauv qab 40 CFR180.940, los sis teev nyob rau hauv Minnesota Statutes, Tshooj 31

Siv cov khoom ntsuas tshuaj kom paub tseeb tias kev tov tshuaj rau cov dej raug raws li qhia. Yog tias cov tshuaj tso tsawg zog lawm, nws yuav tsis tua kab mob kom zoo.

Tab sis yog tso tshuaj ntau dhau lawm, nws kuj muaj feem yuav muaj tej yam phom sij tshwm sim thiab. Xyuas cov lus qhia ntawm tus tsim khoom kom paub hais tias yuav tsum tso tshuaj ntau npaum li cas thiaj li haum.

Kev Siv Dej Kub Tua Kab Mob

Txoj kev siv cua sov yog ib txoj kev zoo los mus tua kab mob rau tej twj taig thiab npoo rooj siv los ua zaub mov. Cia kom cov khoom siv qhuav tag mam li muab cia.

- **Siv tes ntxuav:** Rau cov khoom siv rau hauv cov dej kub 171°F (77°C) los sis siab dua, yam tsawg kawg muab rau 30 vib nas this.
- **Siv tshuab ntxuav:** Cov dej kub thiab dej txaws yuav txawv raws lub tshuab. Siv qhov cuab yeej ntsuas los sis “hot cold tape” los xyuas kom cov dej kub raws li qhia. Siv tus ntsuas los xyuas seb qhov dej txaws puas raug qhov uas sau tseg.